

БӨЛІМ: ТЕХНОЛОГИЯ

Визуалды өнер

ЖАРИЯЛАНДЫ
07.10.2020СІЛТЕМЕ
<https://bilimger.kz/82562/>

Жұмбақтар

Дала кезіп тыншымайды. Бір кісінің он екі баласы бар,

Іштерінде ақ, сары, қарасы бар.

Әр баласы сапарға шыққан сайын,

Отыз шақты серігін ала шығар. (Жыл мен он екі ай)

Ақ қонақ,

Қара қонақ, –

Бірін-бірі қуады,

Кезек келіп тұрады. (Күн мен түн)

Бір ақсақал жылына

Бір-ақ рет келеді.

Көп қызы мен ұлына

Сыйлық әкеп береді. (Аяз ата)

Қыста келген,

Көктемде кеткен.

Көрпе боп жатқан,

Жылға боп аққан. (Қар)

Көкке қарап наздана

Қолын созар күнімен.

Күз, Қыс, Көктем, Жазда да

Өзгермес бір түрінен. (Шырша)

Күн суытып, қар түссе,

Үстін бассаң, батпайсың.

Жаз кезінде, тал түсте

Іздесең де, таппайсың. (Мұз)

Жасыл ине киімім,

Жайлаймын тау биігін.

Жаңа жылды тойласаң,

Төріңдемін үйіңнің. (Шырша)

Айнымайды шыныдан,

Қорқады тек жылыдан. (Мұз)

Бұрап қойған сағаттай,

Айқайлайды таң атпай. (Әтеш)

Терезені өрнектеп,

Әдемі сурет салыпты.

Кім екенін табайық,

Көрінбей кетіп қалыпты. (Аяз)

Қыс түсіп, қар жауса, кілең

Көрінбейтін саусағымен

Бетті аямай шымшылайды. (Аяз)

Айналып жүріп шыршаны,

Барлық адам ән салды.

Барлығы да шаттанып,

Қай мезгілді қарсы алды? (Қыс)

Аппақ етіп айналаны,

Ақ көбелек айналады. (Қар)

ҚМ АА Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.